

Beibl i Blant  
yn cyflwyno

Dyn  
Cyfoethog  
a Dyn  
Tlawd



Awdur: Edward Hughes

Lluniau gan: Alastair Paterson; M. Maillot;  
Lazarus

addaswyd gan: M. Maillot; Sarah S.

Cyfieithydd: Catrin Roberts

Cynhyrchwyd gan: Bible for Children  
[www.M1914.org](http://www.M1914.org)

©2020 Bible for Children, Inc.

Trwydded: mae gennych hawl i gopio  
neu argraffu'r stori hon, ar yr amod  
nad ydych yn ei gwerthu.



Roedd Iesu'n gwybod  
fod llawer o'r arweinwyr  
crefyddol yn caru  
arian yn fwy na Duw.



Dywedodd hanes dau berson  
wrthyn nhw, er mwyn  
egluro bod dim pwynt  
bod yn gyfoethog  
heb Dduw.



Dydy arian ddim  
yn gallu prynu lle i  
chi yn y nefoedd  
gyda Duw.



Roedd yna ddyn  
cyfoethog oedd  
yn berchen ar  
lawer o ddillad  
hardd, drud.  
Roedd e'n  
gwisgo fel  
brenin.



Roedd y dyn cyfoethog hwn hefyd  
yn bwyta'n dda. Roedd pob pryd fel  
gwledd fawr.




Roedd ganddo fe gymaint o arian  
fel ei fod yn gallu prynu unrhyw  
beth roedd e'n dymuno i  
frecwast, cinio, swper  
- neu ar gyfer  
byrbrydau.






Roedd cardotyn newynog, tlawd a sâl  
yn gorwedd wrth ymyl mynedfa  
cartref y dyn



cyfoethog.  
Ei enw oedd Lasarus.



Roedd briwiau ar  
hyd corff Lasarus  
druan. Efallai ei  
fod yn dioddef o  
afiechyd.



Efallai bod pobl  
wedi bod yn gas  
ac wedi ei daro  
gan achosi  
briwiau a  
chleisiau.



Efallai  
bod ganddo  
friwiau am  
nad oedd e'n  
bwyta bwyd  
maethlon fel  
llaeth, cig a  
llysiau.



Roedd  
Lasarus  
eisiau  
bwyd yn  
ofnadwy.  
Byddai  
wedi bod  
yn hapus i  
fwyta briwsion  
oddi ar fwrdd y  
dyn cyfoethog.



Roedd  
cwn strae  
weithiau'n  
mynd at  
y cardotyn  
druan.



Bydden nhw'n  
ei snwffian  
ac yn  
llyfu ei  
friwiau.



Roedd hi'n  
ymddangos  
fel petai  
neb yn  
poeni bod  
Lasarus  
angen  
bwyd.





Un diwrnod,  
wnaeth  
Lasarus  
ddim  
deffro.



Roedd y  
cardotyn  
druan,  
newynog,  
unig hwn  
wedi marw.



O'r funud y  
bu Lasarus farw,  
dechreuodd deimlo  
llawenydd.



Dywedodd Iesu fod  
angylion wedi mynd ag e  
at Abraham. Cafodd Lasarus  
ei gysuro gan Dduw.



Fe wnaeth y dyn cyfoethog farw  
hefyd. Doedd ei holl gyfoeth ddim  
yn gallu arbed  
ei fywyd.



Pan mae marwolaeth yn dod, does  
neb yn gallu  
ei rwystro.



Cafodd y dyn cyfoethog ei gladdu.  
Efallai iddo gael angladd fawr.




Efallai bod pobl wedi canmol y dyn  
cyfoethog am fod yn glyfar  
ac yn llwyddiannus.





Onid doedd y ganmoliaeth yn dda i  
ddim iddo. Roedd y dyn cyfoethog  
wedi mynd i Uffern.



Yn Uffern, dyma'r dyn cyfoethog yn  
gweiddi, "Fy nhad Abraham, ...



... anfone Lasarus ata i iddo  
gyffwrdd blaen ei fys mewn dŵr a'i  
roi ar fy nhafod i'w hoeri; dw i mewn  
poen ofnadwy  
yn y fflamau  
yma."



Dyma Abraham  
yn ateb, "Fy mab,  
roedd gen ti bopeth  
roeddet ti eisiau  
ar y ddaear, ond  
doedd gan Lasarus  
ddim byd.




Bellach mae e  
yma'n cael ei  
gysuro, a tithau'n  
cael dy arteithio.  
Does neb yn gallu  
croesi'r agendor  
rhyngot ti a ni."




"Mae gen i bum brawd.  
Plis wnei di anfon Lasarus  
i'w rhybuddio," meddai'r


dyn  
cyfoethog.



"Dydw i ddim am iddyn  
nhw ddod i'r lle ofnadwy  
yma."




"Mae Gair Duw gan dy  
frodyr," atebodd  
Abraham.





"Os nad ydyn nhw'n  
credu'r Beibl, fyddan nhw  
ddim yn gwrando chwaith

os bydd  
Lasarus yn  
dod yn ôl  
yn fyw ar  
ôl marw."



Ar ôl i Iesu orfffen y stori am y dyn  
cyfoethog a Lasarus, tybed  
a wnaeth yr arweinwyr  
crefyddol holi eu hunain,  
"Ydw i'n caru cyfoeth  
yn fwy na  
Duw?"



Roedden nhw nawr yn  
gwybod beth fyddai'n  
digwydd os nad oedden  
nhw'n gwrando ar  
Air Duw.



Dyn Cyfoethog a Dyn Tlawd

Stori o Air Duw, y Beibl

sydd i'w gweld yn

Luc 16

"Pan ddatguddir dy air, bydd yn goleuo."

Salm 119:130



Y Diwedd



Mae'r stori hon o'r Beibl yn dysgu ni am ein Duw rhyfeddol. Fe wnaeth ein creu ni, ac mae eisiau i ni ei adnabod.

Mae Duw yn gwybod bod ni wedi gwneud pethau drwg, beth mae e'n galw'n bechod. Cosb pechod ydy marwolaeth, ond mae Duw yn dy garu di gymaint nes ei fod wedi anfon ei unig Fab, Iesu, i farw ar Groes, a chymryd y gosb am dy bechod di. Yna daeth Iesu'n ôl yn fyw a mynd adref i'r Nefoedd! Os wyt ti'n credu yn Iesu ac yn gofyn iddo faddau dy bechodau, mae'n barod i wneud hynny! Bydd yn dod i fyw ynot ti nawr, ac fe gei di fyw gydag E am byth.



Os wyt ti'n credu bod hyn yn wir, beth am  
ddweud hyn wrth Dduw: Annwyl Iesu, rwy'n  
credu i ti ddod yn ddyn i farw dros fy  
mhechodau, a dy fod ti'n fyw eto. Os  
gweli'n dda, tyrdd i mewn i'm bywyd.  
Maddau fy mhechodau i mi gael bywyd  
newydd nawr, ac yna un diwrnod bod hefo  
ti am byth. Helpa fi i fod yn ufudd i ti, a  
byw fel plentyn i ti. Amen.

Darllena'r Beibl, a siarad gyda Duw bob  
diwrnod! Ioan 3:16

